

四庫全書

子部

欽定四庫全書

子部

傷寒總病論卷二

詳校官太醫院醫士臣趙正池

編修臣倉聖脈覆勤

總校官編修臣王燕緒

校對官中書臣程琰

謄錄監生臣陳太初

欽定四庫全書

子部五

傷寒總病論

醫家類

提要

臣等謹案傷寒總病論六卷附音訓一卷修治藥法一卷宋龐安時撰安時字安常蘄水人安時本士人習與蘇軾黃庭堅游第六卷末附與軾書一篇論是編之義甚悉卷首載軾荅安時一帖猶從手跡鈎摹形模畧具又

以黃庭堅後序一篇冠之于前序末稱前序海上人諾為之故虛其右以待署元符三年三月作時軾方謫儋州至五月始移廉州七月始渡海至康故是年三月猶稱海上人也然軾以是年八月北歸至次年七月即卒于常州前序竟未及作故即移後序為弁首也原本序中剷去庭堅名帖中亦剷去軾名考卷末附載音訓一卷修治藥法一卷題政和

癸巳門人董炳編字知正當禁絕蘇黃文字  
之日諱而闕之此本猶從宋本抄出故仍其  
舊今悉為補入焉宋史藝文志但載安時難  
經解前後兩見而不載此書文獻通考載龐  
氏家藏秘寶方五卷引陳振孫之言謂安時  
以醫名世者惟傷寒而已此書南城吳炎晦  
叔錄以見遺似乎別為一書而下列庭堅之  
序與此本同疑當時已無刻本故傳寫互異

歟又載張耒一跋云張仲景傷寒論論病處  
方纖悉必具又為之增損進退之法以預告  
人嗟夫仁人之用心哉且非通神造妙不能  
為也安常又竊憂其有病證而無方者續著  
為論數卷用心為術追儷古人淮南謂安常  
能與傷寒說話豈不信哉此本未載此跋殆  
傳寫偶佚歟葉夢得避暑錄話頗不滿意安  
常曾敏行獨醒雜志則記其治泗州守王公

弼中丹石毒甚奇又記其治公弼之女尤神  
異意夢得本蔡京餘黨以安常為蘇黃舊交  
尚持門戶之見歟乾隆四十六年十月恭校

上

總纂官臣紀昀臣陸錫熊臣孫士毅

總校官臣陸費墀

欽定四庫全書

性理學考  
提要

傷寒總病論原序

龐安常自少時喜醫方為人治病處其死生多驗名傾  
淮南諸醫然尚氣任俠鬪難走狗蹴鞠擊毬少年豪縱  
事無所不為博奕音技一工所難而無能之家富多後  
房不出戶而所欲得人之以醫聘之也皆多陳其所好  
以順適其意其來也病家如市其疾已也君脫然不受  
謝而去中年乃屏絕戲弄閉門讀書自神農黃帝經方  
扁鵲八十一難經皇甫謐甲乙無不貫穿其簡策紛錯

黃帝朽蠹先師或失其意學術淺薄私智穿鑿曲士或竄其文安常悉能辯論發揮每用以治病幾乎十全矣然人疾詣門不問貧富為便房曲齋調護寒暑所宜珍膳美蔬時節其飢飽之度愛老而慈幼不以人之疾嘗試其方如疾痛在己也蓋其輕財如糞土耐事如慈母而有常似秦漢間任俠而不害人似戰國四公子而不爭利所以能動而得意起人之疾不可為數他日過之未嘗有德色也其所摠輯傷寒論皆其日用書也欲掇

其大要論其精妙使士大夫稍知之然未嘗游其庭者  
雖得吾說而不解若有意于斯者讀其書自足以攬其  
精微故不著著其行事以為後序云前序海上人諾為  
之故虛其右以待元符三年三月豫章黃庭堅序

軾啟久不為問思企日深過辱存記遠枉書教具聞起  
居佳勝感慰兼集惠示傷寒論真得古聖賢救人之意  
豈獨為傳世不朽之資蓋已義貫幽明矣謹當為作題  
首一篇寄去方苦多事故未能便付去人然亦不久作

也老倦甚矣秋初決當求去未知何日會見臨書惘惘  
惟萬萬以時自愛不宣再拜安常處士閣下五月廿八  
日

人生浮脆何者為可恃如君能著書傳後有幾念此便  
當為作數百字仍欲送杭州開板也知之知之又白

欽定四庫全書

傷寒總病論卷一

叙論

宋 龐安時 撰

龐曰素問云冬三月是謂閉藏水冰也地裂無擾乎陽  
又云彼春之暖為夏之暑彼秋之愆為冬之怒是以嚴  
寒冬令為殺厲之氣也故君子善知攝生當嚴寒之時  
周密居室而不犯寒毒具有奔馳荷重勞房之人皆辛

苦之徒也當陽氣閉藏反擾動之令鬱發腠理津液強  
漬為寒所搏膚腠反密寒毒與榮衛相渾當是之時勇  
者氣行則已怯者則著而成病矣其即時成病者頭痛  
身疼肌膚熱而惡寒名曰傷寒其不即時成病則寒毒  
藏於肌膚之間至春夏陽氣發生則寒毒與陽氣相傳  
于榮衛之間其患與冬時即病候無異因春溫氣而變  
名曰溫病也因夏暑氣而變名曰熱病也因八節虛風  
而變名曰中風也因暑濕而變名曰濕病也因氣運風

熱相搏而變名曰風溫也其病本因冬時中寒隨時有  
變病之形態爾故大醫通謂之傷寒焉其暑病濕溫風  
溫死生不同形狀各異治別有法

龐曰天寒之所折則折陽氣足太陽為諸陽主氣其經  
夾脊脊貫五臟六腑之膂上入腦故始則太陽受病也  
以其經貫五臟六腑之膂故病有臟府傳變之候以其  
陽經先受病故次第傳入陰經以陽主生故足太陽水  
傳足陽明土土傳足少陽木為微邪以陰主殺故木傳

足少陰水水傳足厥陰木至第六七日當傳足厥陰肝木必移氣克于脾土脾再受賊邪則五臟六府皆危殆矣榮衛不通耳聾囊縮不知人則死速用承氣湯下之

方在可下證中

則可保五死一生勿從容拯溺令病人水漿不

入湯液不下無可奈何也素問云脾熱病則五臟危又云土敗木賊則死若第六七日傳厥陰脈得微緩微浮其證寒熱似瘧此為必愈宜桂枝麻黃各半湯和之

在方

可汗證中

微緩微浮為脾胃脈也故知脾氣全不再受克邪

無所容否極泰來榮衛將復水升火降則寒熱作而大  
汗解矣人將大汗必冒昧者若久旱天將雨時六合皆  
至昏昧雨降之後草木皆蘇庶物明淨玉冊所謂換陽  
之吉證也

王叔和云土地溫涼高下不同物性剛柔餐居亦異是  
以黃帝興四方之問岐伯立四治之能以訓後賢開其  
未悟臨病之工宜兩審之

龐曰叔和非醫之圓機孰能臻此也如桂枝湯自西北

二方居人四時行之無不應驗自江淮間地偏暖處唯冬及春可行之自春末及夏至以前桂枝麻黃青龍內宜黃芩也自夏至以後桂枝內故須隨證增知母大青石膏升麻輩取汗也若時行寒疫及病人素虛寒者正用古方不在加減矣夏至以後雖宜白虎詳白虎湯自非新中暍而變暑病乃汗後解表藥耳以白虎未能驅逐表邪故也或有冬及始春寒甚之時人患斯疾因汗下偶變狂躁不解須當作內熱治之不拘于時令也南

方無霜雪之地不因寒氣中人地氣不藏蟲類泄毒嵐瘴間作不在此法治別有方也又一州之內有山居者為居積陰之所盛夏冰雪其氣寒腠理閉難傷于邪其人壽其有病者多中風中寒之疾也有平居者為居積陽之所嚴冬生草其氣溫腠理踈易傷于邪其人天其有病者多中濕中暑之疾也凡人稟氣各有盛衰宿病各有寒熱因傷寒蒸起宿疾更不在感異氣而變者假令素有寒者多變陽虛陰盛之疾或變陰毒也素有熱

者多變陽盛陰虛之疾或變陽毒也

龐曰四時之中有寒暑燥濕風火相搏喜變諸疾須預  
察之其飲食五味禽魚蟲菜果實之屬性偏有嗜者或  
金石草木藥素嘗有餌者人五臟有大小高下堅脆端  
正偏傾六府亦有大小長短厚薄緩急令人終身長有  
一病者貴者後賤富者乍貧有常貴有常富有暴富有  
暴貧有暴樂有暴苦有始樂後苦有離絕蘊結憂恐喜  
怒者夫常貴後賤名曰脫營常富後貧名曰失精暴樂

暴苦始樂後苦精竭體沮脫勢侯王精神內傷情慕尊  
貴妄為喪志始富後貧焦皮攣筋常富惡勞驕墮精消  
離間親愛者魂遊絕所懷者意喪蘊所慮者神勞結怨恨  
者志苦憂愁者閉塞而不行盛怒者迷惑而不治恐懼  
者蕩憚而不收喜樂者揮散而不藏此皆非外邪所中  
而得之于內也良工必須審問其由先知臟府經絡受  
病之所可舉萬全工不思曉令五臟六府血氣離守迨  
至不救又何言哉

龐曰陰陽虛盛者非謂分寸也榮衛者表陽也腸胃者裡陰也寒毒爭于榮衛之中必發熱惡寒尺寸俱浮大內必不甚躁設有微煩其人欲飲食欲溫而惡冷謂陽虛陰盛也可汗之則愈若誤下則死也若寒毒相薄于榮衛之內而陽勝陰衰極陰變陽寒盛生熱熱氣盛而入裏熱毒居腸胃之中水液為之乾涸燥糞結聚其人外不惡寒必蒸蒸發熱而躁甚則譫語其脈浮滑而數或洪實或汗後脈雖遲按之有力外證已不惡寒腹

滿而喘此皆為陽盛陰虛當下之則愈若誤汗則死也  
仲景載三等陽明是陽盛陰虛證矣調經論云陽虛則  
內熱陽盛則外熱陰盛則內寒以此別之若陰獨盛而  
陽氣暴絕必四肢逆冷臍築痛身疼痛如被杖面青  
或吐或利脈細欲絕名曰陰毒也須急灸臍下服以辛  
熱之藥令陽氣復生澱然汗出而解若陽獨盛而陰氣  
暴絕必發躁狂走妄言面赤咽痛身斑斑如錦文或下  
利赤黃脈洪實或滑促名曰陽毒也宜用針泄熱服以

苦酢之藥令陰氣復生澱然汗出而解也

龐曰夫邪逆陰陽之氣非汗不能全其天真素問云辛甘發散為陽謂桂枝甘草細辛薑棗附子之類能復陽氣也酸苦湧泄為陰謂苦參大青葶藶苦酒艾之類能復陰氣也酸苦之藥既折熱復陰亦當小汗而後利者經云身汗得而後利則實者可活是也

華陀治法云傷寒病起自風寒入于腠理與精氣分爭榮衛否焉周行不通病一日至二日氣在孔竅皮膚之

間故病者頭痛惡寒身熱腰背強重此邪氣在表隨證發汗則愈

龐曰凡發汗須如常覆腰以上厚衣覆腰以下以腰足難取汗故也半身無汗病終不解凡發汗後病證仍存于三日內可二三發汗令腰脚周遍為度若病不解便可下之設令下後不解表裡邪亦衰矣足觀脈證調治七日內可期正汗為善也發汗後不可再行汗者始發熱惡寒今不惡寒但倍發熱而躁始脈浮大今洪實或

沉細數始惺靜今狂語此胃實陽盛再行汗藥即死須當下之有人始得病變陽盛之證須便下之不可拘

日子淺深次第也病三日以上氣浮上部填塞胸

闕

頭痛胸中滿或多痰涎當吐之即愈

龐曰若虛損及新產人不能吐者可服枳實散

枳實細末米飲

調二錢日可三四服

若有虛寒手足冷及脈微弱者枳實二兩加

桂枝一兩同末之如前服

病五六日以上氣結在臟腑故腹滿身重骨節煩疼當

下則愈若小便少手足心并腋下不滋潤尚未可攻之  
當消息其候不可亂投湯藥虛其胃氣也

以上解華  
陀治法

### 太陽證

尺寸俱浮者太陽受病也一二日發以上連風府故頭

項痛而腰脊強

此是太陽膀胱經屬水  
病源云小腸者非也

太陽病發熱汗出惡風其脈緩者名為中風太陽病或  
已發熱未發熱必惡寒體痛脈陰陽俱緊者名為傷寒  
傷寒一日太陽受之脈若靜者為不傳頗欲吐若煩躁

脈數急者為傳也

傷寒二三日陽明少陽證不見者為不傳也病發熱而

惡寒邪發于陽也不熱而惡寒者邪發于陰也發于陽

者七日愈發于陰者六日愈陽數七陰數六故也

發于陽者

隨證用汗藥攻其外發于陰者用四逆輩溫其內

太陽病頭痛至七日以上自愈者其經竟故也若欲作

再經者針足陽明使經不傳

補足陽明土三里穴也

風者解表而不了了者十二日愈

方言曰南楚疾愈或謂之差或謂之了

太陽病初服桂枝湯反煩不解先刺風池風府却與桂枝湯則愈

太陽病自汗四肢難以屈伸若小便難者可與陽旦湯

內加附子一枚炮去皮尖八破同煎服之

陽旦即桂枝湯異名

若

小便數者慎不可行此湯宜用芍藥甘草湯若誤行桂枝附子湯攻表則咽乾煩躁厥逆嘔吐者作甘草乾薑湯與之以復陽氣若厥愈足溫更與芍藥甘草湯其脚即伸若胃氣不和讖語者少與調胃承氣湯微溏則讖

語止

芍藥甘草湯主脈浮而自汗小便數寸口脈浮大浮為風大為虛風則生微熱虛則兩脰攣小便數仍汗出為津液少不可誤用桂枝湯宜補虛退熱通治誤服湯後

病證仍存者

按古之三兩准今之一兩古之三升今之一升若以古方裁減以合今升秤則錄兩

升合之分毫難以從俗莫若以古今升秤均等而減半為一劑稍增其枚粒乃便于俗爾且仲景方云一劑盡病證猶在者更作減半之劑此古方一劑又加其半庶可防病未盡而服之也有不禁人湯劑者再減半亦得

肘後所謂或以一分為兩或以二銖為兩以蓋當升可也貧家難辦或臨時抄撮皆可籠末每抄五錢水兩平

蓋煎八分服之有薑棗者每服入薑三片棗三枚一日  
三服未中病可六七服也有不可作者散者是病勢大  
宜依古方行之凡湯一劑有附子一枚增半之劑合用  
附子一枚半古方不折枚者是枚力要完也半兩以上  
大附子可當一枚半四錢以下者可用兩枚為準  
枚傷多不妨仲景云強人可加附子成兩枚是也

芍藥

甘草

各二兩半

細剉水一升半煎七合半去滓溫溫分再服

甘草乾薑湯

甘草

二兩

乾薑

一兩

煎如前方

調胃承氣湯

大黃

一兩

甘草

半兩

芒硝

一大合

大

細剉水一升煎上二味至五合去滓下芒硝烱化暖服一盞微澹為度如難利者再與一劑

太陽病汗證反下之遂利不止脈促表未解也喘而汗出者葛根黃芩湯主之

黃芩

三錢

黃連

三兩

甘草

半兩

葛根

二兩

細剉水一升煎七合半去滓溫飲一盞日三服

陽明證

尺寸俱長者陽明受病也當二三日發以其脈夾鼻絡

于目故身熱目痛鼻乾不得卧

此證惡寒可發汗若惡寒罷反自汗惡熱者為

胃家實屬正陽明宜調胃承氣湯方在太陽證下

龐曰有三陽陽明者其太陽陽明本太陽病若發汗若下若利小便此亡津液胃中乾燥因轉屬陽明也少陽陽明者本傳到少陽因發汗利小便已胃中燥大便秘也正陽陽明者病人本風盛氣實津液消鑠或始惡寒

汗出多寒罷而反發熱或始得病便發熱狂言也

凡陽明證俱宜下唯中寒惡寒為病在經與太陽合病屬表可發其汗

二陽合病脈必浮大而長外證必頭痛腰疼肌熱目疼鼻乾也浮大者太陽受病也長者陽明也頭腰太陽也肌目鼻陽明也二陽併病太陽證罷但發潮熱手足漿漿汗出大便難而讞語者大承氣湯下之則愈

方在可下證中

二陽併病太陽初得時發其汗汗先出復不徹因轉屬

陽明自微汗不惡寒若太陽證不罷不可下下之為逆  
如此者可小發其汗設面色正赤者陽氣怫鬱在表當  
解之蒸之若汗出不徹當短息不足言陽氣怫鬱不得  
越當汗出而不汗其人短氣但坐以汗出不徹故也宜  
麻黃湯更發其汗即愈何以知其汗不徹其脈澀故知  
也

方在可汗證中古本字多差誤以從來  
所見病人證候中符合如此故改正

陽明病能食為中風不能食為中寒

陽明病中寒脈浮無汗其人必喘發汗則愈宜麻黃湯

方在可  
汗證中

陽明病脈遲汗出多微惡寒者表未解發汗則愈宜桂

枝湯

方在可  
汗證中

若不惡寒為外解欲手足濇然汗出者大

便已鞭宜大承氣湯

方在可  
汗證中

陽明病有不可攻者謂陽明病心下鞭滿者不可攻

之利不止者死利止者愈

陽明病或發汗或自汗大便雖鞭小便少者未可攻津

液恐還入胃必先鞭後澹也小便自如乃可攻之

陽明病中風口苦咽乾腹滿微喘發熱惡寒其脈浮緊若下  
之則腹滿小便難也

此證必無汗與後證相似且惡寒無汗為異以咽乾腹滿亦不宜正

與汗藥別  
與消詳也

陽明病脈浮而緊咽乾口苦腹滿而喘發熱汗出不惡  
寒而反惡熱身重若發汗則煩躁憤憤反讖語若加溫  
針必怵惕煩躁不得眠若下則胃中空虛客氣動禹心  
中懊懷胎生舌上者梔子香豉湯主之

肥梔子

十枚

香豉

二合

水二升煮梔子減半下豉再者八合去滓溫服一盞  
得快吐者止後服

脈浮緊必無汗而反有汗咽燥腹滿惡熱法當下之而  
又脈浮緊不當下此恐變風溫宜細詳

陽明病口鼻燥但漱水而不欲嚥者必衄

### 少陽證

尺寸俱弦者少陽受病也當二三日發以其脈上循脇

絡于耳故胃脇痛而聾

足少陽膽屬木弦者細長如琴  
弦狀仲景云脈浮而緊曰弦非

謂此弦脈也凡傷寒脈浮緊相載皆屬弦之類也有屬太陽有屬陽明者少陽正得弦脈體是小弦長大脈也多宜和表鮮有汗證

少陽之證口苦咽乾目眩也

此三陽經皆病未入于藏可汗而解

仲景少陽證雖小  
柴胡乃和表藥耳

弦細頭痛發熱屬少陽宜小柴胡湯不可發汗發汗則

譏語此屬胃胃和則愈不和則煩而躁宜調胃承氣湯

此屬少陽陽明證也

方在太陽證中

本太陽病不解轉入少陽

者脇下鞭滿乾嘔不能食往來寒熱尚未可吐下脈緊

者小柴胡湯主之

少加  
壯蠟

若已吐下發汗溫針譫語小柴

胡湯證罷此為壞病知犯何逆以法治之

知犯何逆者  
犯四種溫病

壞候也

少陽中風兩耳微聞目赤胷中滿而煩不可吐下吐下

則驚悸小柴胡湯主之

方在和  
表證中

三陽合病脈浮大上闕上但欲眠睡合目則汗

不言弦  
者隱于

長大也

三陽合病面垢譫語腹滿身重不能轉側遺尿發汗則

讖語下之則額上生汗手足逆冷若自汗者宜白虎湯

方在厥陰證中

傷寒四五日或六七日無大熱其人躁悶此為陽去入陰也

傷寒三四日陽為盡三陰當受邪其人反能食而不嘔

此為三陰不受邪也

病到陰必吐利

傷寒三日少陽脈小者欲愈也

小而平勻者也

太陰證

尺寸俱沉細者太陰受病也當四五日發其經布胃中  
絡于噎故腹滿而噎乾宜大承氣湯下之

方在可下證中

太陰之為病腹滿而吐食不下自利益甚時腹自痛若  
下之必胃下結鞭自利不渴者屬太陰其藏有寒故也

當溫之以  
四逆輩

傷寒三日太陽脈弱至四日太陰脈大

脈大而胃滿多痰者宜吐之無

此證者宜汗之傷寒脈浮緩

亦大類

手足自溫者繫在太陰小便

不利者必發黃

五苓散加茵陳主之

若小便自利者不能發黃至

七八日雖暴煩下利日十餘行必自止以脾家實腐穢當去故也橘皮湯主之

五苓茵陳散

以茵陳濃煎湯調五苓散二錢服之日三四黃從小便下以小便清為度

橘皮湯

橘皮 一兩 生薑 二兩

細剉水一升半煎七合去滓分二服稍熱呷未差再

作服

本太陽病醫反下之因爾腹滿時痛者屬太陰也桂枝芍藥湯主之

桂枝

半一兩

芍藥

三兩

甘草

一兩

大棗

六枝

生薑

一兩半

呔咀以水三升煮取一升半去滓每溫一盞日三服

注云小建中湯不用飴糖故芍藥為君止痛復利邪故也

少陰證

尺寸俱沉者少陰受病也當五六日發以其經貫腎絡

于肺繫舌本故口燥舌乾而渴大承氣湯下之

方在可  
下證中

少陰之為病脈微細于寐也

少陰中風陽微陰浮為欲愈也

凡少陰病四逆者宜溫之

少陰病始得之反發熱脈沉者麻黃細辛附子湯主之

麻黃

二兩

細辛

二兩

附子

一枚

以水三升先煮麻黃十數沸去上沫內諸藥煮  
取一升去滓每溫一盞日三服

少陰病得之二三日麻黃附子甘草湯微汗以二三日

無陽證故微發汗也

謂初得病二三日常見少陰證無陽者須發小汗也

麻黃

二兩

甘草

二兩

附子

一枚

以咀以水三升先煮麻黃十數沸去上沫內諸藥煮取一升半去滓每溫一盞日三服

龐曰少陰病脈沉不知何沉也且沉緊發汗則動經沉數為病在裏不可發汗詳此脈或沉而濡或沉而微是表中寒而裡不消脈應裡而發熱在表故以小辛之藥

溫散而微微取汗也

少陰病吐利手足不逆冷發熱者不死脈不至者灸少

陰七壯

太谿穴在內踝後跟骨上動脈陷中言發熱者謂其身發熱也

少陰病吐利煩躁四逆者死

煩躁者內煩躁也與茱萸湯證宜細審其生死

也

少陰病惡寒而慄

居員切

時時自煩不欲厚衣宜大柴胡

湯

方在可下證中

少陰病四逆惡寒而自慄脈不至而吐利煩躁者死

重詳

此定

少陰病下利利止而眩時自冒者死

此合是少陽冒昧汗澀出脈勻小浮

者生少陰無眩冒之證

少陰病六七日息高者死

少陰病脈微細沈但欲卧汗出不煩自欲吐至五六日自利復煩躁不得卧寐者死

少陰病得之二三日以上心中煩不得卧者黃連阿膠湯主之

黃連

一兩

黃芩

一分

芍藥

一分

雞子黃

半枚

阿膠

炙三分  
為末

以水二升先煮三物取一升去滓內阿膠烱盡小冷內雞子黃攪令相得溫溫一盞日三四服

少陰病下利清水色純清心下必痛口乾躁者大承氣

湯下之

方在可  
下證中

少陰病吐利手足厥冷煩躁欲死者茱萸湯主之

茱萸

一兩半  
洗三通

人參

三分

生薑

一兩  
半

大棗

三個

以水三升半煮取一升半去滓每溫一盞日三服

少陰病咽痛者桔梗甘草湯主之

桔梗

半兩

甘草

一兩

細剉水一升煎半升去滓作三服細呷之

又半夏散亦主之

半夏

湯洗七遍

桂枝

去皮

甘草

炙

右各等分各別搗篩已合治之每服三錢水一盞半煎至八分溫冷少少噉之

少陰病下利清穀裏寒外熱手足厥逆脈微欲絕身反

不惡寒者其人面赤或腹痛或乾嘔或咽痛或利止脈不出者通脈四逆湯主之

甘草

一兩

附子

大者

半個

強

人

加半個

強

人

乾薑

三分

強

人

加一兩半

強

人

半

細對水三升煎至一升去滓每溫服一盞日三四服未差急更作一劑不可作煮散其脈續續出者愈暴出者死面赤者加連須葱四莖去青腹痛去葱加芍藥一兩嘔者加生薑一兩咽痛者去芍藥加桔梗半兩利止脈不出者去桔梗加人參半兩病與方皆相

應者與服之

少陰病下利六七日欬而嘔渴心煩不得眠者宜猪苓

湯

猪苓 茯苓

澤瀉

滑石

阿膠

各半兩

以水二升先煮四物取一升去滓內阿膠末烱

盡每溫一盞服

少陰病下利咽痛胃滿心煩猪膚湯主之

猪膚

半斤

以水五升煮取二升半去滓加白蜜半斤白粉二合  
半熬香和令相得每溫服一盞日三四服

少陰病四逆其人或欬或悸或小便不利或腹中痛或  
泄利下重者四逆散主之

甘草

枳實

柴胡

芍藥

各任分

搗篩為細末白飲和服方寸匕日三服欬者加五味  
子乾薑炮各二分半并主下利悸者加桂枝二分半  
小便不利者加赤茯苓二分半腹痛者加附子一個

炮去皮臍泄利下重者先以水三升薤白一升半煮  
取二升去滓以散方寸匕用薤白湯一盞煎八分日  
三四服

厥陰證

尺寸俱微者厥陰受病也六七日發以其脈循陰而絡

于肝故煩滿而囊縮

微緩者囊必不縮若外證發熱惡寒似瘧為欲愈候宜桂枝麻黃各

半湯也若尺寸俱沉短者囊必縮宜承氣湯下之方在可下證中

厥陰之為病消渴氣上衝心中痛熱飢而不欲食食則

吐虵下之利不止烏梅丸主之

傷寒脈微而厥至七八日膚冷其人躁無暫安者此藏厥非虵厥也虵厥者其人當吐虵令病者靜而復煩也此藏寒虵上上入其鬲故煩須臾復止得食而嘔又煩者虵聞食臭即出其人常自吐虵虵厥者烏梅丸主之又治久痢

藏厥宜四逆輩極冷服之

烏梅

一百五十個

乾薑

五兩

黃連

八兩

當歸

二兩

川椒

桂枝

附子

人參

黃蘗

細辛

各三兩

異擣篩合治之以苦酒浸烏梅一宿去核蒸之二斗  
米下飯熟擣成泥和藥令相得內白中與蜜再杵二  
千下丸如梧桐子大先食飲服十九日三服稍加至  
二十九禁生冷滑臭食物等

厥陰中風脈微浮者為欲愈不浮為未愈

脈遲反以黃芩湯得徹其熱腹中應冷當不得食今反  
能食此為除中必死

先厥後發熱下利必自止而反汗出咽痛者其喉為痺  
發熱無汗其利自止若不止必便膿血者其喉不痺

龐曰熱少微厥指頭寒嘿嘿不欲食煩躁數日小便自

如此熱除也宜乾薑甘草湯

方在太陽證中

龐曰手足逆冷皆屬厥陰不可下亦不可汗有須下證  
者謂手足雖逆冷而手足掌心必煖非正厥也故可消  
息汗下也

傷寒一二日至四五日厥者必發熱前發厥者後必發

熱厥甚熱亦甚厥微熱亦微不過五日六日不厥者必愈若六日厥者必發熱愈甚仍下利也

龐曰寒熱而厥面色不澤冒昧者當用緜衣包手足令溫煖必大汗而解也有不因大汗下而兩手忽無脈謂之雙伏或一手無脈謂之單伏或利止如此必有正汗急用四逆輩溫之時有汗便安脈終不出者死下利先厥後發熱利必自止不爾咽中痛或喉痺若便膿血者其喉不痺

厥而下利者當不能食反能食者為除中必死能食反  
發熱脈數者必發癰膿厥而嘔胸脇煩滿後必便膿血  
病者手足冷少腹按之痛此結冷在膀胱關元也

當關元灸

發熱下利厥逆躁不得卧者死

病人手足厥冷脈乍緊者邪結在胸中心下滿而煩不  
能飲食者病在胸中當吐之宜瓜蒂散凡病可吐者皆  
宜此方

瓜蒂 赤小豆 等分

細末別以香豉一合熱湯三盞煮作稀糜去滓取汁和散一錢溫溫頓服不吐者少少加藥再服得吐快乃止諸亡血虛家不可與服

有用丁香者吐之多霍燥人

傷寒厥而心下悸宜先治水當服茯苓甘草湯次治其厥不爾水漬入胃必作利也茯苓甘草湯

茯苓

桂

各一兩

生薑

一兩半

甘草

半兩

細剉水二升煎一升溫飲一盞悸止為度

傷寒六七日大下後寸脈沉而遲手足厥逆下部脈不至咽喉不利唾膿血泄利不止者為難治宜麻黃升麻

湯

有不因下而自利加  
衄血者允宜此方

麻黃

一兩升麻

當歸

各半兩

知母

黃芩

萎蕤

各三

錢芍藥

天門冬

桂枝

茯苓

甘草

石膏

白朮

乾薑

各一錢半

細剉水二升半先煮麻黃一二沸去沫內諸藥煮一升二合去滓溫服一盞如人行七八里久進一服以

汗出即住服

本自汗下復吐下之寒愈格逆食入口即吐宜乾薑黃芩湯

乾薑 黃芩 黃連 人參

各一兩半

細剉水三升煮取一升半去滓溫服一盞

下利微熱而渴脈弱者自愈脈數汗出亦然緊為未解發熱而厥七天下利為難治

凡厥通用四逆湯

方在四逆證中

謂其脈浮遲或微或細或沉

皆屬裡有寒也

厥而脈滑者為裡有熱白虎湯主之

知母

石膏

八兩

甘草

半兩

粳米

三合

以水五升煮米熟湯成去滓溫服一盞日三服有渴  
加人參半兩

龐曰三陽皆有合病凡合病者有十四證唯三陰無合  
病

兩感證

龐曰素問載兩感于寒其脈應與其病形者一日則巨陽與少陰俱病頭痛而煩滿二日則陽明與太陰俱病腹滿身熱不欲食讖語三日則少陽與厥陰俱病則耳聾囊縮而厥水漿不入口不知人六日死言其六日死者是藏府榮衛或有所通行故四日少陰與太陽俱病五日太陰與陽明俱病六日厥陰與少陽俱病是重傳得六日死矣其有三日死者素問謂陽明為五藏十二經脈之長其邪氣盛故不知人三日其氣乃絕故死

矣夫邪氣盛則實表裏邪實併領血氣入胃不通于榮  
衛氣血故氣血隨邪而盡則三日死矣其脈候素問已  
脫今詳之凡沈者皆屬陰也一日脈當沈而大沈者少  
陰也大者太陽也二日脈當沈而長三日脈當沈而弦  
乃以合表裏之脈也沈長沈弦皆隱于沈大凡陰不當  
合病唯三陽可以合病今三陰與三陽合病故其脈似  
沈緊而大似沈實而長亦類革至之死脈也

三陰三陽傳病證

金匱要略卷之二十一  
卷一  
龐曰傷寒一日巨陽受病前所說膀胱詳矣病源云小  
腸雖則誤其標本其手足陰陽自有併病者故素問云  
六日三陰三陽五藏六府皆受病榮衛不行五藏不通  
則死矣是表裏次第傳不必兩感亦有至六日傳遍五  
藏六府而死者也素問云諸浮不躁者皆在陽則為熱  
其有躁者在手假令第一日脈不躁是足太陽膀胱脈  
先病脈加躁者又無手太陽小腸也又云諸細而沉者  
皆在陰則為骨痛其有靜者在足假令第四日脈靜者

足太陰始傳病也脈加數又兼手太陰病也故六日亦  
能傳遍藏府也躁謂脈數靜謂脈不數用藥則同若用  
鍼須取足與手之經也

傷寒總病論卷一

欽定四庫全書

傷寒總病論卷二

宋 龐安時 撰

可發汗證

大法春宜發汗

太陽中風陽浮而陰弱陽浮者自發熱陰弱者自汗出  
嗇嗇惡寒淅淅惡風翕翕發熱鼻鳴乾嘔者桂枝湯主  
之

桂枝 芍藥

生薑

各一兩

甘草

一兩

大棗

六個

以咀水三升半微火煎取一升七合半生布絞去滓  
溫服一盞須臾啜熱粥一碗令助藥力周覆一時汗  
徧身濺濺者益佳不可令如水流漓病必不除若一  
服汗出病差止後服不必盡劑也若不汗如前法更  
服半日許令三服若病重者一日一夜可盡一劑病  
證猶存者更作服若汗未出乃至二三劑忌生冷粘  
滑肉麪五辛酒酪臭惡等物

太陽病初服桂枝湯反煩不解者先刺風池風府却與桂枝湯則愈按風池是少陽之經陽維之會不針天柱而取風池者陽維維諸陽巨陽與諸陽主氣故也

龐曰凡桂枝湯證病者常自汗出小便不數手足溫和或手足指梢露之則微冷覆之則溫渾身熱微煩而又增寒始可行之若病者身無汗小便數或手足逆冷不惡寒反惡熱或飲酒後慎不可行桂枝湯也

脉緊必無汗設有汗

不可誤作桂枝證

太陽病發汗遂漏不止其人惡風小便難四支微急難

以屈伸者桂枝加附子湯主之

桂枝湯內加附子一枚炮去皮尖切片同煎如

前小便難為有津液可作汗若小便數不可誤認陽旦證也陽旦即桂枝湯異名也

下後脉促胃滿者桂枝去芍藥湯主之

桂枝湯內去芍藥只用四味也

芍藥味酸脉促胃滿恐成結胃故去芍藥之佐全用辛甘發散其毒氣也

服桂枝湯或下之仍頭項強痛翕翕熱無汗心下滿微痛小便不利者桂枝去桂加白朮茯苓各一兩半主之

不用桂加水成四升服一升

太陽病項背強几几汗出惡風者桂枝加葛根二兩添水成四升煎取二升通治柔症

太陽下之微喘者表未解也桂枝加杏仁厚朴湯主之

桂枝內加厚朴一兩杏仁四十枚此則中風自汗用桂枝湯證也

龐曰惡寒者不當風而憎寒惡風者當風而增寒皆屬表證太陽病頭痛發熱身疼痛骨節煩疼惡風無汗而喘者麻黃湯主之

麻黃

半一兩

桂枝

兩一

甘草

錢五

杏仁

五十個

呔咀水二升半煮麻黃數沸去上沫內諸藥煮取一升二合半去滓每飲一盞續次服盡不用粥投溫覆如桂枝法將息未汗可再作二三劑

龐曰傷寒之脉緊盛而按之澀是也脉浮而緊浮為風緊為寒風傷衛寒傷榮榮衛俱病骨節煩疼外證必發熱無汗或喘其人但增寒手足指未必微厥久而復溫掌心不厥此傷寒無汗用麻黃證

凡脉浮數或浮緊無汗小便不數病雖十餘日尚宜麻

黃湯也

太陽中風脉浮緊發熱惡寒身痛不汗出而煩躁者大  
青龍湯主之若脉微弱自汗出惡風者不可服之服之  
則厥逆筋惕肉瞤此為逆也大青龍湯

麻黃

三兩

桂枝

甘草

石膏

各一兩

杏仁

二十個

棗

五枚

薑

一兩半

呔咀水五升煮麻黃數沸去上沫內諸藥者取二升  
每溫飲一盞微汗為度若汗周身潤則止服未周身

潤可停待少時服盡不欲汗多亡陽故也亡陽遂虛  
惡風煩躁不得眠也

傷寒脉浮緩身不疼但重乍有輕時無少陰證者大青

龍湯主之

少陰當言太陰按太陰證內有脉浮緩手足  
溫者繫太陰太陰當發證屬青龍湯似桂枝

證反無汗而脉際似麻黃  
證反身不疼而脉浮緩

太陽病項背几几無汗惡風葛根湯主之

葛根

二兩

麻黃

一兩半

桂枝

一兩

甘草

一兩

芍藥

一兩

大棗

六枝

生

薑

一兩半

呔咀水四升先煮麻黃葛根數沸去沫下諸藥煮取  
二升半去滓每溫飲一盞日三服如桂枝湯將息

太陽與陽明合病必自下利者葛根湯主之

太陽與陽明合病不利但嘔者葛根加半夏湯主之用  
煎葛根湯內加半夏一兩一分湯洗十遍每個作四破  
龐曰脉浮緊無汗服湯未中病其人發煩目瞑極者必  
衄小衄而脉尚浮者宜麻黃湯衄後脉已微者不可再  
行也凡脉浮自汗服湯不中病桂枝證尚在必頭痛甚

而致衄小衄而脉尚浮者再與桂枝湯衄後脉已微者不可再行也

傷寒三日後與諸湯不差脉勢如數陽氣猶在經絡未入藏府宜桂枝石膏湯此方可夏至後代桂枝證用之若加麻黃一兩可代麻黃青龍湯用之

石膏

兩三

梔子

二十個

生薑

一兩半

桂枝

黃芩

甘草

各一

兩升麻

葛根

各一兩半

哎咀水五升煮取二升半去滓溫飲一盞食頃再服

若得汗即止後服

龐曰凡發汗以辛甘為主復用此苦藥者何也然辛甘者折陰氣而助陽氣也今熱盛於表故加苦以發之素問云熱淫於內以苦發之故也

葛根龍膽湯療病四五日不差身體毒熱面赤兼泊陽毒風溫

葛根

生者四兩乾者二兩代

生薑

升麻

大青

龍膽

桂

枝甘草

麻黃

芍藥

各半兩

姜蕤

一兩

石膏

一兩半

哎咀水四升半下麻黃煮數沸去上沫內諸藥煎二

升去滓溫飲一湯盞日三夜二

凡葛根須用家園味甘多白粉者為佳若

誤用味苦野葛多吐人轉增病

時行熱病六七日未得汗脈洪大或數面目赤身體大熱煩躁狂語欲走大渴甚又五六日以上不解熱在胃中口禁不能言為壞傷寒醫所不能治如死人或精神已竭心下微煖發開其口灌藥下咽即活兼治陽毒麥

奴丸

麻黃

三分

釜底煤

黃芩

竈底墨

梁上塵

小麥

奴

竈中黃土

各一分

芒硝

大黃

各半兩

細末蜜丸彈子大新汲水三合和一丸研服之渴者  
但令冷水足意飲之須臾當寒竟汗出便差若日移  
五尺不汗依前法再服一丸差即止須微利小麥奴  
乃小麥未熟時叢中黑麥捨之成黑勃者是也無即  
以小麥炒黑焦地上出火毒用之亦得此藥須是病  
人大渴倍常躁盛若小渴者強與之為禍耳強人每

服半雞子大

亦治  
瘟癘

傷寒連服發汗湯七八劑汗不出者死如中風法蒸之使溫熱之氣外迎無不得汗也古今用效薪火燒地良久去火掃地以水洒之取蠶沙桃柏荆葉糠及麥麩皆可同和鋪燒地上可側手厚上鋪席令病人卧席上溫覆之熱月只可夾被覆其汗立出後周身至脚心皆汗澌澌乃用溫粉撲止移之上牀即愈無蠶沙即用麩糠之類鋪燒地上亦得

溫粉法白朮葉本白芷各二兩末之入英粉十二兩和勻用之無英

粉以蜂  
粉代之

傷寒差後有不了了證者謂至十日或半月二十日終  
不惺惺常昏沉以失精神言語錯謬或無寒熱有似鬼  
祟或朝夕潮熱頰赤或有寒熱如瘧狀此乃發汗不盡  
餘毒氣在心胞絡間所致也宜知母麻黃湯

知母

一兩半

麻黃

一兩

芍藥

黃芩

甘草

桂枝

各半兩

哎咀水二升半煮麻黃數沸去上沫內諸藥取一升  
三合去滓每溫飲一大盞半日可相次三服溫覆令

微汗若心煩欲水當稍與之令胃中和則愈未汗盡

劑

太陽病下之後氣上衝其脉必浮可依證發汗不與汗則成結胃也凡發汗脉浮大雖大便秘小便少者可發汗而解也合汗不汗諸毛孔閉塞悶絕而死

不可發汗證

脉浮緊法當身痛當以汗解假令尺中脉遲為榮氣不

足血少故也

前陽明病脉遲汗出多微惡寒宜桂枝湯不責榮不足蓋尺脉長大而遲也此必軟

緊而遲不可汗  
宜小建中湯

小建中湯

桂枝

三分

生薑

三分

芍藥

一兩半

甘草

半兩

棗

六枚

飴糖

兩合半

哎咀水二升半煮取九合去滓方下飴糖煎令化每

溫飲一湯盞日進二三服尺尚遲再作一劑入人參

加半兩同煎最良舊有微澹或嘔者不用飴糖也兼

治傷寒一二日胃中悸而煩及汗後身疼脉沉遲又

治傷寒陽脉澀陰脉弦法當腹中急痛先小建中湯

不差與柴胡湯

方在和表證中

龐曰凡脉緊病必無汗唯濡而緊病必自汗勿誤行桂枝宜建中湯也

脉濡弱不可發汗汗則厥而煩躁不得眠

諸動氣在心腹上下左右不可發汗

龐曰諸脉動數微弱不可發汗

以上並宜建中湯若煩躁者宜竹葉湯

竹葉湯治虛煩病似傷寒身亦熱而煩躁頭不痛身不疼脉不數者兼治中暍渴吐逆而脉滑數者及傷寒解後虛羸少氣氣逆欲吐者並宜服之

淡竹葉

半把

石膏

四兩

半夏

三分

人參

半兩

甘草

半兩

麥門冬

二兩

粳米

一合  
淘過

細剉以水五升煎二升半米熟去滓溫飲一盞日進

三服夜二服嘔者加生薑一兩半不嘔不用

虛煩或嘔吐脈弦細乳遲手足微寒胃滿者橘皮湯主

之兼治暴煩下利

方在太  
陰證中

四逆不可發汗發汗則聲嘶舌萎不得前言亂睛眩者

命將難全

咽中閉塞不可發汗發汗則吐血氣微絕手足不能自

溫者乾薑甘草湯主之

方在太陰證中

淋家不可發汗發汗必便血

瘡家雖身痛不可發汗汗出則瘕

以癰瘡家膿血過多

動氣在右不可發汗汗出則衄而渴心苦煩飲則吐水

動者謂心腹中虛氣動若誤汗有此證先宜五苓散三服方在可水證中次服竹葉湯方在前

動氣在左不可發汗發汗則頭眩汗出則筋惕肉瞤此

為逆難治

但先服防風白朮散次服建中湯方在前

防風白朮散

防風一兩 牡蠣粉半兩 白朮三分

細末溫米飲調下二錢日二三服汗出續與建中湯  
動氣在上不可發汗發汗則氣上衝正在心端李根湯  
主之

半夏半兩 桂枝 當歸 芍藥 黃芩 甘草 人參

各一分  
茯苓三分

粗末每五錢水兩盞薑三片甘李根白皮一團如雞  
子黃大煎八分通口日三五服

動氣在下不可發汗發汗則心中大煩骨節苦痛目運惡寒食則反吐穀不得前先服大橘皮湯得吐止後服

建中湯

大橘皮湯

亦主手足冷嘔噦

橘皮

一兩半

生薑

二兩

棗

二十個

甘草

半兩

人參

一分

呔咀水三升煎一升半去滓溫服一盞食頃再服

不當汗而強汗之則津液枯槁而死

四逆證

四逆湯治病發熱頭痛脈反沉若不差身體疼痛者脈

浮遲表熱裏寒下利清穀者汗出熱不去內拘急支節  
疼四逆者下利厥逆惡寒者下利腹脹滿身疼脈浮者  
先用四逆溫裏得利止乃可隨證用藥攻表也

甘草

一兩

附子

半個

乾薑

三分

咬咀以水一升半煮取六合去滓溫分作二服

手足厥脈微欲絕者當歸四逆湯主之

當歸

桂枝

芍藥

細辛

各一兩半

棗

三十個

甘草

木

通

各一兩

呖咀以水四升半煮二升二合去滓每溫一盞服

和表證

傷寒表不解心下有水氣乾嘔發熱而欬或渴或利或噎或小便難腹滿而喘者小青龍湯主之

麻黃 芍藥 細辛 乾薑 甘草 桂枝

各一兩半

夏分三五倍子兩半

呖咀以水六升先煮麻黃數沸去上沫內諸藥煮一升去滓每溫服一盞若渴者去半夏加栝樓根一兩

半若微利去麻黃加羌花一雞子大炒赤若噎者去  
麻黃加附子一枚炮小便不利小腹滿者去麻黃加  
赤茯苓二兩若喘去麻黃加杏仁一兩一分無羌花  
以桃花一鴨子大不炒代之

太陽病得之八九日如瘧狀發熱惡寒熱多寒少其人  
不嘔清便欲自可一日二三度發脉微緩者為欲愈也  
脉微而惡寒此陰陽俱虛不可更發汗吐下也面色反  
有熱色者未解也以其不能得小汗出其身必痒宜桂

枝麻黃各半湯

桂枝湯末

麻黃湯末

各三分

以水一升半棗三個生薑三片煎減半去滓溫飲一

盞未有小汗再服之

服桂枝湯大汗出脈洪證候不改者服桂枝湯如前法  
若形似瘧狀日再發者宜桂枝二麻黃一湯

桂枝湯末

一兩

麻黃湯末

半兩

以水一升半薑三片棗三個煎減半去滓溫飲一盞

未有小汗再服之

服桂枝湯大汗出後大煩渴脉洪大者白虎湯加人參

主之

方在厥陰證中

龐曰傷寒已得汗身和脉弦細讖語妄見此為津液不和與小柴胡去人參加桂枝湯服之津液和自愈未差與調胃承氣湯下之

傷寒六七日發熱微惡寒支節煩疼微嘔心下支結外證未去柴胡桂枝湯主之兼治寒疝腹痛

柴胡

一兩

桂枝

黃芩

人參

各半兩

半夏

四錢

芍藥

半兩  
甘草

草

一錢一字

大棗

九枚

生薑

半兩

哎咀以水三升半煮取一升七合半去滓溫飲一盞

小柴胡湯治傷寒五六日中風往來寒熱胸脅滿嘿嘿不欲食心煩喜嘔或胸中煩而不嘔或渴或腹中痛或脇下痞鞭或心下悸小便不利或不渴身微熱或欬者

柴胡

二兩

甘草

黃芩

人參

各三分

半夏

六錢一字

生薑

三分

大棗

三枚

哎咀以水六升煮取三升去滓再煎取一升半温作  
三服若胃中煩而不嘔者去半夏人參加栝樓半個  
若渴去半夏加人參成二兩二錢半栝樓根二兩若  
腹中痛去黃芩加芍藥一兩半若脇下痞鞭去大棗  
加牡蠣二兩若心下悸小便不利去黃芩加茯苓二  
兩若不渴外有微熱去人參加桂枝一兩半温覆微  
汗愈若欬去人參大棗生薑加五味子一兩一分乾  
薑一兩

傷寒中風有柴胡證但見一證不必悉具凡以柴胡證而下之與柴胡湯必蒸蒸而振却復發熱汗出而解也病十日以上脉浮細嗜卧者為已安候小柴胡和之細而遲者勿與

婦人中風七八日續自寒熱發作有時經水適斷者此為熱入血室其血必結故使如瘧狀發作有時小柴胡湯主之

婦人傷寒發熱經水適來晝則明了暮則譫語如見鬼

狀此為熱入血室無犯胃氣必自愈

先宜小柴胡湯  
不愈可刺期門

婦人中風發熱惡寒經水適來得之七八日熱除而脉  
遲身涼胃脘下滿如結胃狀譊語此為熱入血室也當  
刺期門隨其實取之

陽明病潮熱大便溏小便自如胃脘滿不去者小柴胡  
湯主之又不大便而嘔舌上白苔者亦宜服之上焦得  
通津液得下胃氣因和身濺然汗出而解

陽明中風脉浮弦大而短氣腹滿脇下及心痛久按之

氣不通鼻乾不得汗嗜卧一身及目悉黃小便難有潮  
熱時時噦耳前後腫刺之小差外不解病過十日脉續  
浮者與小柴胡湯若不尿腹滿加噦者不治

可下證 血證附

大法秋宜下

陽明病發熱不惡寒汗多者急下之

凡脉沉細數為熱在裏又兼腹滿咽乾或口躁舌乾而  
渴者或六七日不大便小便自如或目中瞳子不明無

外證者或汗後脉沉實者或下利三部脉皆平心下堅者或連發汗已不惡寒者或已經下其脉浮沉按之有力者宜大承氣湯

大黃

半兩

厚朴

一枚

枳實

一枚

朴硝

半兩

哎咀以水四升先煮厚朴枳實至三升下大黃煮取一升半去滓下朴硝烱化每溫一盞服利即止後服如作煮散煎每服厚朴枳實末共三錢水兩盞煎一盞半下大黃末一錢煎一盞絞去滓下朴硝末一錢

焯化服之

陽明與少陽合病而利脉不負者為順也負者失也弦

相克為負也脉滑而數者有宿食當下之

宜大承氣湯  
陽明土其脉

大少陽木其脉弦若合病土被木賊克更利為  
胃已困若脉不弦為土不負弦者為土負必死

脉雙弦而遲心下堅或脉大而緊者陽中有陰可下之

病者煩熱汗出如瘧狀日晡則發潮熱者屬陽明其脉  
必實當下之而愈

病人小便不利大便乍難乍易時有微熱喘冒不能臥

者有躁尿宜下之

傷寒若吐下後不解不大便五六日以上至十餘日日

晡則發潮熱不惡寒獨語如見鬼狀若劇者發則不識

人循衣妄撮

常見有此撮空候故改之

惕而不安微喘直視脉弦者

生脉濇者死微者但發熱譫語可下之一服利止後服

過經譫語者可下之

病人不大便五六日繞臍痛煩躁發作有時此有躁尿

故不大便可下之

以上並宜大承氣湯

太陽病未解其脉陰陽俱停者必先振慄汗出而解陽  
微者先汗之而解陰實者先下之而解下之宜大柴胡  
湯

柴胡四兩 黃芩

芍藥各一兩半

枳實二枚

生薑二兩半

半夏一兩

一分 大棗六個 大黃一兩

哎咀以水六升煮取三升去滓再煎每溫一盞服

因下之後潮熱而微利者此醫以丸藥下之非其治也  
而有表證仍曾滿而嘔者先服小柴胡湯後服大柴

胡湯

小柴胡湯在  
和表證中

傷寒發熱汗出不解心中痞鞭嘔吐下利者大柴胡湯

主之

傷寒十餘日結熱在裏往來寒熱者宜大柴胡湯

陽明病譫語發潮熱脉滑疾者小承氣湯主之

大黃

二兩

厚朴

一兩

枳實

兩枚

哎咀水二升半煎至八合去滓放溫時飲一盞以利

為度凡大便秘悶恐有表證者但少少飲之微下為

度不可飲多恐大泄利也虛弱人可作者散煎服

太陽病若吐下發汗後微煩小便數大便難者與小承

氣湯利之則愈

此太陽陽明證也

下利譏語者有燥屎也宜小承氣湯初一服譏語止若

更衣者停後服不爾盡與之

更衣即登廁也非顏師古注漢書更衣之義集驗方

痒有更衣挺出頗妨於更衣更衣出清血故以知之

陽明病不吐不下心煩者可與調胃承氣湯

方在太陽證中

發汗後惡寒者虛也不惡寒但熱者實也當和其胃氣

宜調胃承氣湯

傷寒十三日過經譫語者此有熱當以湯下之若小便利者大便當鞭反下利而脉調和者知醫以丸藥下之非其治也若自下利者脉當微厥今反和者為內實也宜調胃承氣湯

太陽病過經十餘日心下溫溫欲吐而胃中痛大便反澹腹微滿鬱鬱微煩此時極吐下者與調胃承氣湯不爾不可與之但欲嘔胃中痛微澹者此非柴胡證以嘔故

知極吐下也屬調胃承氣湯

傷寒吐後腹脹滿者屬調胃承氣湯

茵陳湯治陽明病發熱汗出者此為熱越不能發黃也  
但頭汗出其身無汗齊頸而還小便不利渴而飲水者  
以瘕熱在裏身必發黃

茵陳蒿

三兩

大黃

一兩半

梔子

二十個大者七枚

哎咀水二升半先煮茵陳至二升內二味煮取一升  
二合半去滓溫飲一盞日三服小便當利尿如皂角

汁一宿腹減黃從小便出

十棗湯治太陽病中風下利嘔逆表解者乃可攻之其人熱熱汗出發作有時頭痛心下痞鞭滿脇下痛乾嘔短氣汗出不惡寒者此表和裏未和也

芫花

甘遂

大戟

等分異杵篩秤末合之  
入臼再杵二三百下

先以水一升煮芫花十枚擘碎煮取半升去棗用煎湯少半調末一錢七贏人半錢再單飲棗湯送之平旦服若下少而病不除明旦加藥一錢半如前服之

服之必利利後糜粥自養

欬而脇下痛此為有飲宜十棗湯

調中湯治夏月及秋初忽有暴寒折於盛熱熱結四支  
則壯熱頭痛寒傷於胃下利或血或水或赤帶下壯熱  
且悶脉數宜下之久年腸風下之亦差

大黃

三分

葛根

黃芩

芍藥

桔梗

茯苓

藁本

白朮

甘草

各半兩

咬咀水三升煎至二升下大黃取一升二合去滓溫

溫飲一盞移時勿再食再服之得快下壯熱便歇其  
下利亦止凡秋夏旱熱積日或有暴寒折之熱無可  
散喜搏著肌中作壯熱氣也胃為六府之表最易為  
暴寒所折故也虛人亦不在壯熱但主利或霍亂不  
宜用此實人有服玉石人喜壯熱與別藥下則加熱  
喜悶而死矣是以宜以此下和其胃氣

調中湯又治  
陽病因下遂

陽熱利不止及傷寒不因下而自利表不解脈浮  
數者皆可去大黃加葛根成一兩煎服之殊驗也

茵陳丸療瘴氣及黃病瘡瘡

茵陳 梔子 鼈甲 芒硝 各一兩 大黃 二兩半 豉 二合半

常山 杏仁 各一兩半 巴豆 半兩

細末蜜丸梧桐子大初得時氣三日內平旦米飲服

二丸如人行十里久或吐或利或汗出不爾更服一

丸以熱粥投之老少以意加減丸數服若黃病痰癖

時氣傷食痞瘧小兒驚熱欲發癰服之無不差者療

瘴神驗赤白痢服之亦效春初有宿熱依上法服之

取吐利當年不憂熱病 有性殺藥者每服七九五丸

抵黨湯治太陽病六七日表證在脉微而沉反不結胃

其人發狂者乃熱在下焦小腹當鞭滿小便反利者下

血乃愈所以然者以太陽隨經瘀血在裏故也

小腹滿而小便

不利者非血證

水蛭

蝨蟲

各十枝

桃仁

七個

大黃

一兩

咬咀以水二升半煮至一升二合半去滓温温分四服未下再服虛人只可作半料服之如作煮散每五錢水一盞半煎一盞去滓服之

桃仁承氣湯治太陽病不解熱結在膀胱其人如狂血  
自下者乃愈其外不解者尚未可攻當先隨證行湯解  
外外已解但小腹急結者乃可攻之

不惡寒  
為外解

桃仁

二十  
四個

大黃

二  
兩

甘草

桂枝

芒硝

各一  
兩

哎咀以水三升半煎取一升半去滓內芒硝烱化溫  
服一盞虛人減作半料亦可作煮散每五錢水一盞  
半煎至一盞去滓下芒硝一錢半烱化服之

桃仁承氣湯又治產後惡露不下喘脹欲死服之無不

差者

龐曰脉朝夕駛者實癰也可下之朝平夕駛者非癰也  
不可下駛謂數脉六七至者也若脉數一息八九至慎  
不可下若下之則煩躁下利不止而死凡數脉與皮毛  
相得亦不可下也合下不下令病人腹脹滿通身浮腫  
而死

不可下證

脉軟而弱弱反在關

關下三分也

濡反在顛

關上三分也

微反在

上寸口澀反在下

尺部也

微則陽不足澀則無血陽氣反

微中風汗出而反煩躁澀則無血厥而且寒宜建中湯

方在不可

汗證中

陽微不可下下之則心下痞

諸動氣在心腹上下左右俱不可下

動氣在右不可下下之則津液內竭咽躁鼻乾頭眩心

悸

宜竹葉湯方在不可汗證中

動氣在左不可下下之則腹裏拘急不止動氣反劇身

雖有熱反欲勑

先服乾薑甘草湯方在太陽證中  
後服建中湯方在不可汗證中

動氣在上不可下下之則掌握熱煩身冷熱汗自泄欲

水自灌竹葉湯主之

方在不可汗證中

動氣在下不可下下之則腹滿卒起頭眩食則下清穀

心下痞堅半夏瀉心湯主之

方在痞證中

咽中閉塞不可下

龐曰諸脉濡弱微細相搏俱不可下

諸四逆不可下虛家亦然

龐曰若下證悉具而見四逆者是失下後氣血不通使然但手足微厥掌心常溫時復指梢溫便下之不可拘忌也

傷寒嘔多雖有陽明證不可攻也

龐曰凡下證小便利或尚少未可攻之也

不當下而強下之令病人腸胃洞泄不禁而死

可水不可水證

龐曰凡病非大渴不可與冷水若小渴口咽乾小小呷

滋潤之若大渴煩躁甚能飲一斗者與五升能飲一升者與半升若乃不與則乾躁無由作汗煩喘而死者多矣但勿令足意飲也若大汗將來躁渴甚者但足意飲之勿疑常人見因渴飲水而得汗見小渴遂強與之致停飲心下滿結喘而死者亦多矣其有熱脈數尚可作汗而解者出於天幸也

五苓散治病入水藥入口則吐或渴而嘔者或汗後脈尚浮而煩渴者或下利渴而小便不利者或因渴停水

心下短息者難治嘔而小便不利者皆主之

猪苓

白朮

茯苓

桂枝

澤瀉

各半兩

細末白飲調下二錢日三服數飲煖水汗出效

陽明病小便數者大便即堅不更衣十日無所苦欲飲水但與之當以法救渴者五苓散主之

霍亂頭痛發熱身體疼發熱欲飲水五苓散主之若得病無熱但狂言煩躁不安精采不與人相當勿以火導之但以猪苓散方寸寸服之當逼飲新汲井水一升即

令指刺喉中吐去之病隨手愈若不能吐者勿強與水  
水停則結心下也當以藥吐之不爾更致危病若當吐  
不時以豬苓散吐之其死迨速矣亦可針之尤佳夫飲  
禹實難治此皆三死一生也太陽病發汗後大汗出胃  
中乾燥煩不得眠其人欲飲水者但與之當稍稍飲之  
令胃和則愈

可吐不可吐證

龐曰胃禹痞悶痰壅塞礙脉得浮或滑並宜瓜蒂散吐

之

方在厥陰證中

產後六七日內下瀉諸藥不効得此脉與吐

之瀉立止

下利日數十行其脉反遲寸口微滑吐之則止

龐曰虛家當吐而不敢吐之宜以枳實散壓氣毒痰水過日毒入胃乃可微下之也

諸四逆脉微弱虛細或弦遲雖中滿悶不可吐宜橘皮

湯枳實散之類

橘皮湯在和表證中  
枳實散在叙論中

不可吐而強吐之氣築心即死矣

可灸不可灸證

燒灸令其汗針處被寒核起而赤者必發背豚氣從少

腹上撞者灸其核上一壯與桂枝加桂湯

桂枝湯內加桂枝足成一

兩一分如  
前法煎之

少陰病其人吐利手足不逆反發熱不死灸少陰七壯  
下利手足厥無脈灸之不煖反微喘者死

傷寒脈促手足厥逆可灸之

合灸不灸令病人冷結久而彌固氣衝心而死微之脈

慎不可灸因火為邪則為煩逆追虛逐實血散脉中火氣雖微內攻有力焦骨傷筋血難復也

脉浮當以汗解而反灸之邪無從去因火而盛病從腰以下必當重而痺此為火逆若欲自解當先煩煩乃有汗隨汗而解何以知之脉浮故以知汗出而解脉浮熱甚而灸之此為實實以虛治因火而動咽躁必唾血不當灸而誤灸令火邪入腹干錯五藏重加煩而死

可火不可火證

下利穀道中痛當以熬鹽末熨之或炒枳實末溫熨二  
味相兼益佳若臍下冷結不可便熨冷氣攻心腹必死  
須先用藥溫之久而可熨凡臍下冷結成開陰大小便  
不通服藥雖多不見效以炒鹽熨臍下須臾即通然開  
陰已服巴豆甘遂大黃輕粉之類太多即暴通利而損  
人尤宜詳之也

可溫證

大法冬宜溫熱藥

少陰病其人飲食入則吐心中溫溫欲吐復不能吐始得之手足寒脉弦遲若禹上有寒飲乾嘔者不可吐宜

四逆湯溫之

方在四逆證中

下利其脉浮大此為虛以強下之故也設脉浮大因爾

腹鳴宜當歸四逆湯溫之

方在四逆證中

火邪證

醫以火卧牀下或周身用火迫却作或熨或誤灸皆屬火邪也

傷寒脉浮醫以火迫劫之亡陽驚或狂起卧不安者宜

桂枝去芍藥加蜀漆牡蠣龍骨救逆湯

桂枝

一兩半

蜀漆

一兩半

甘草

一兩

龍骨

二兩

牡蠣

二兩半

生薑

一兩半

大棗

六枚

以水六升先煮蜀漆減一升內諸藥煮取二升去滓

溫服一盞無蜀漆以恒山代之火劫後脉浮當汗出

而愈

火邪下之因燒針煩躁者桂枝甘草湯主之

桂枝

半兩

甘草

兩

牡蠣

兩

龍骨


各一兩

以水二升煮一升去滓溫取一盞可代救逆湯使之



龐曰灸及燒針後證似火劫者並宜火劫治之煩躁驚  
及狂用六石風引湯尤良柴胡加龍骨牡蠣湯亦通用  
病人因火劫至十五六日身黃下利狂欲走師脉之言  
當下清血如豚肝乃愈後如師言何以知之師曰寸口  
脉陽浮而陰濡弱陽浮為風濡弱為虛浮虛受  
少血發熱惡寒洒淅項強頭眩醫以大熏鬱令汗出惡  
寒遂甚客熱因火而發怫鬱蒸於肌膚自為黃小便微  
難短氣鼻中出血而復下之胃無津液利遂不止熱瘵

在膀胱畜結成積狀如豚肝當下不下心亂迷憤狂走  
赴水必不能自制蓄血若去目明心了此皆醫所為輕  
者得愈極者不治



傷寒總病論卷二